



SLUŽBENI GLASNIK OPĆINE JABLANICA

broj 5/2024.







S A D R Ź A J
SLUŽBENOG GLASNIKA OPĆINE JABLANICA
BROJ: 5/2024

Red. br.	N A Z I V A K T A	Strana
1.	Odluka o rješavanju statusa građevina izgrađenih bez pravosnažnog odobrenja za građenje u općini Jablanica	5
2.	Odluka o izmjenama i dopunama Odluke o nazivima dijelova naseljenih mjesta i ulica i njihovom obilježavanju	9
3.	Odluka o raspodjeli sredstava NVO i za projekte mladih, iz Budžeta Općine Jablanica za 2024. g – po LOD metodolgiji	10
4.	Odluka o visini i broju stipendija Općine Jablanica za akademsku–školsku 2024./2025. godinu	13
5.	Odluka o imenovanju Komisije za stipendije	14
6.	Zaključak o odbijanju ponude za kupovinu nekretnine	15
7.	Zaključak u vezi Prostornog plana HNK	16
8.	Zaključak o stavljanju van snage Zaključka OV-a	16
9.	Rješenje o privremenom imenovanju predsjednika i člana Školskog odbora JU Srednja škola Jablanica	17
10.	Rješenje o imenovanju Komisije za socijalnu zaštitu i inkluziju	17
11.	Zaključak – uplata sredstava KUD „ Prijatelji” Jablanica	19
12.	Zaključak – uplata sredstava Sportski savez Općine Jablanica	20





Na osnovu člana 45. stav 2. Zakona o građenju HNK („Službeni glasnik HNK“, broj: 04/13) i člana 18. Statuta Općine Jablanica («Službeni glasnik Općine Jablanica», broj: 2/09, 8/16 i 2/20) na sjednici Općinskog vijeća Jablanica održanoj dana 30.05.2024. godine donosi:

ODLUKU

o rješavanju statusa građevina izgrađenih bez pravosnažnog odobrenja za građenje u općini Jablanica

1. OPĆE ODREDBE

(Predmet Odluke)

Član 1.

1) Ovom Odlukom se reguliše status građevina izgrađenih bez pravosnažnog odobrenja za građenje (u daljem tekstu: „Građevine nerješenog statusa“), a čije rješavanje je prema posebnim propisima u nadležnosti općine Jablanica (u daljem tekstu: „Općina“).

2) Građevine izgrađene bez pravosnažnog odobrenja za građenje su odjeljkom VII Zakona o građenju HNK svrstane u Posebne slučajeve građenja za koje je analognom primjenom odredbi Zakona o građenju HNK moguće naknadno obezbjediti odobrenje za građenje prema propisu jedinice lokalne samouprave kojim će se regulisati status takvih građevina.

Član 2.

(Pojmovi korišteni u ovoj Odluci)

1) **Građevina nerješenog statusa** je građevina koja se gradi ili je izgrađena bez pravosnažnog odobrenja za građenje ili je izgrađena u suprotnosti sa odobrenjem za građenje ukoliko je takvo odobrenje bilo po zakonu obavezno u vrijeme izgradnje građevine.

2) **Pojmovi koji nisu definisani ovim članom**, a korišteni su u ovoj Odluci imaju značenje propisano Zakonom o građenju HNK.

3) **Nedozvoljena gradnja** je svaki zahvat u prostoru koji je u suprotnosti sa važećim propisima iz oblasti građenja i za koji je Zakonom o građenju HNK propisana kaznena odgovornost sudioniku takvog zahvata.

4) **Provjera ugroženosti** u smislu ove Odluke podrazumijeva radnje i mjere predviđene članovima 73., 74. i 75. Zakona o građenju HNK kojima se provjeravaju mehanička svojstva građevine nerješenog statusa i njen uticaj na okolne objekte.

5) **Redovna procedura** izdavanja odobrenja za građenje podrazumijeva da je postupak izdavanja odobrenja za građenje okončan pravosnažnom odlukom prije otpočinjanja radova na odobroj gradnji.

6) **Naknadno odobrenje za građenje** podrazumijeva odobrenje za građenje izdato po odredbama ove Odluke i Zakona o građenju HNK ukoliko su radovi na izgradnji objekta započeti ili završeni, a investitor ispunjava sve ostale uslove za izdavanje odobrenja za građenje koji su predviđeni po redovnoj proceduri.

7) **Legalizacija građevine** podrazumijeva više postupaka kojima se rješavaju imovinski odnosi i ishodi odobrenje za legalizaciju, odnosno podrazumijeva radove za koje se po redovnoj proceduri ne bi mogli ishoditi odobrenje za građenje zbog nedostatka dokaza o pravu građenja.

8) **Uzurpacija zemljišta** u smislu ove Odluke podrazumijeva gradnju na zemljištu sa upisom prava vlasništva ili drugog prava Općine, Kantona, Federacije Bosne i Hercegovine, Bosne i Hercegovine. Ne smatra se uzurpacijom u smislu ove Odluke zemljište u vlasništvu općine Jablanica koje je potrebno za doformiranje građevinske parcele za katastarsku česticu investitora ili zemljište potrebno za redovnu upotrebu postojećih gruntovno uknjiženih objekata investitora.

Član 3.

(Investitor)

1) Investitor u postupku izdavanja naknadnog odobrenja za građenje i rješavanje statusa građevine izgrađene bez odobrenja za građenje je lice koje gradi ili je izgradilo građevinu ili je istu steklo na osnovu zakona, ugovora ili nasljeđivanjem i koje je nosilac prava građenja.

2) Podrazumijeva se da je investitor lice koje je nosilac prava građenja, s tim da se može utvrditi i suprotno ukoliko se u postupku pojave lica koja to tvrde i prilože dokaze u kojem slučaju se podneseni zahtjev odbija i stranke upućuju na sud radi rješavanja pitanja prava vanknjižnog vlasništva započete ili izgrađene građevine.



Član 4.

(Status građevine prema stepenu izgrađenosti)

U odnosu na podneseni zahtjev prema stepenu izgrađenosti građevine nerješenog statusa u smislu ove Odluke se dijele na:

- a) **Započete građevine**, odnosno građevine na kojima su započeti građevinski radovi počevši od zemljanih radova (iskopa) do najviše završene 1/3 konstrukcijskih radova ili 1/3 etaža objekta;
- b) **Pretežno izgrađene građevine** odnosno građevine na kojima su pretežno izvedeni građevinski radovi koji podrazumijevaju izvedene radove preko 1/3 konstrukcijskih radova do završetka konstrukcijskih radova ili radova na konstrukciji u cjelosti;
- c) **Završenu građevinu** predstavlja objekat u kojem su izvedeni svi radovi (konstrukcijski, instalaterski, fasaderski), odnosno objekat na koje se nakon ishoda naknadnog odobrenja neće izvoditi nikakvi radovi osim eventualnih radova na priključenju na komunalnu infrastrukturu.

Član 5.

(Građevina za koju se može rješavati status prema odredbama ove Odluke)

1) Prema odredbama ove Odluke rješava se status građevine izgrađene bez odobrenja za građenje izdavanjem naknadnog odobrenja za građenje u sljedećim slučajevima:

- a) Građevine koje su izgradili ili grade investitori za koje se prema Zakonu o građenju HNK može izdati odobrenje za građenje u redovnom postupku, odnosno ispunjavaju sve uslove iz člana 33. Zakona o građenju HNK.
- b) Građevine koje su kao posljedica ratnih djelovanja uništene ili oštećene, a koje su građene ili sanirane, te rekonstruisane kao posljedica otklanjanja štete nastale zbog ratnih djelovanja mogu ishoditi naknadno odobrenje za građenje prema odredbama Zakona o građenju HNK i ove Odluke.
- c) Za građevine koje su građene u cilju rješavanja statusa izbjeglih i raseljenih lica ili rješavanja statusa socijalno ugroženih lica, a građene su donatorskim sredstvima za konkretne korisnike može se ishodovati naknadno odobrenje za građenje prema odredbama ove Odluke.
- d) Građevine za koje građevinski inspektor naloži ishoda odobrenja za građenje u skladu sa zakonskim ovlaštenjem, a nisu građeni na uzurpiranom zemljištu.
- e) Građevine koje su izgrađene na osnovu odobrenja za građenje koje je kasnije ukinuto ili poništeno, a nema zakonskih zapreka da se postupak provede.
- f) Građevine koje imaju odobrenje za građenje, a tokom gradnje je odstupljeno od uslova iz izdatog odobrenja za građenje.

2) Za građevine nerješenog statusa koje u momentu podnošenja zahtjeva za izdavanje naknadnog odobrenja za građenje nemaju uslove za izdavanje odobrenja za građenje po redovnoj proceduri ne može se provesti postupak izdavanja naknadnog odobrenja za građenje prema odredbama ove Odluke.

2. POSTUPAK IZDAVANJA NAKNADNOG ODOBRENJA ZA GRAĐENJE

Član 6.

(Zahtjev za izdavanje odobrenja za građenje)

1) Status građevine izgrađene bez pravosnažnog odobrenja za građenje rješava se u okviru postupka za izdavanje odobrenja za građenje pokrenutog po redovnoj proceduri podnošenjem zahtjeva nadležnoj službi za poslove građenja u skladu sa članom 33. Zakona o građenju HNK.

2) Nakon što investitor podnese zahtjev za izdavanje odobrenja za građenje po redovnoj proceduri i ukoliko njegov zahtjev ne bude odbijen iz razloga predviđenih članom 37. stav 5. Zakona o građenju HNK, te ukoliko se utvrdi da su ispunjeni uslovi za izdavanje odobrenja za građenje iz člana 37. stav 1. Zakona o građenju HNK, takav zahtjev neće biti odbijen samo iz razloga što je objekat započet ili završen i pristupiće se izdavanju naknadnog odobrenja za građenje.

3) Uz zahtjev za izdavanje odobrenja za građenje investitor je dužan priložiti i rješenje inspektora kojim je naložena upravna mjera, odnosno naredeno investitoru da ishodi odobrenje za građenje.

4) Ukoliko se zahtjev za naknadno odobrenje za građenje ne podnosi na osnovu naloga građevinskog inspektora primjerak zahtjeva i glavni projekat se dostavlja građevinskoj inspekciji radi provjere ugroženosti.

5) Zahtjev za izdavanje odobrenja za građenje prema odredbama ove Odluke odbiće se ako nisu ispunjeni uslovi za izdavanje odobrenja za građenje propisani Zakonom o građenju HNK po redovnoj proceduri.



6) Postupak rješavanja statusa građevina za objekte iz člana 5. stav 1., tačka c) ove Odluke može se provesti i po službenoj dužnosti u javnom interesu, a na osnovu pristanka korisnika donacije u svojstvu investitora.

7) Uz zahtjev za izdavanje naknadnog odobrenja za građenje prilaže se dokumentacija koja se prema Zakonu o građenju HNK prilaže u redovnoj proceduri izdavanja odobrenja za građenje (član 33.).

Član 7.

1) Postupak pokrenut po zahtjev za izdavanje odobrenja za građenje za građevinu izgrađenu ili započetu bez pravosnažnog odobrenja za građenje obustaviće se ako nakon provjere ugroženosti građevinska inspekcija utvrdi da postoji opasnost od rušenja ili ugrožavanja stabilnost okolnih objekata ili okoline i u drugim slučajevima predviđeni Zakonom o građenju HNK. Građevinska inspekcija o okolnostima iz ovog stava donosi rješenje prema odredbama Zakona o građenju i isto dostavlja Službi nadležnoj za građenje.

Član 8.

(Zahtjev za izdavanje odobrenje za legalizaciju)

Rokovi, uslovi i način legalizacije građevina za koje nisu riješeni imovinski odnosi propisani su Odlukom o legalizaciji općine Jablanica i ne mogu se rješavati po odredbama ove Odluke.

Član 9.

(Način i uslovi postupka)

1) Na način i uslove postupka izdavanja naknadnog odobrenja za građenje analogno se primjenjuju odgovarajuće odredbe Zakona o građenju HNK kao materijalni propis.

2) Naknadno odobrenje za građenje izdaje se prema pravilima upravnog postupka.

Član 10.

1) Odredbe Zakona o građenju HNK koje se analogijom ne mogu primjeniti na nakandno odobrenje za građenje su:

a) Nakandno odobrenje za građenje nema rok važenja koji je uslovljen početkom radova. (član 38.)

b) Prijava početka radova nije potrebna po naknadno izdanom odobrenju za građenje, ali se prijavljuje nastavak radova (član 46.).

2) Elaborat iskolčenja građevine se prilaže uz zahtjev ukoliko postoji, a ukoliko nije izrađen uz zahtjev se prilaže kopija katastarskog plana sa geodetskim nacrtom snimljenog stanja građevine izrađena i ovjerena od nadležnog organa.

Član 11.

(Naknade)

1) Drugi propisi koji se primjenjuju na postupak izdavanja odobrenja za građenje u redovnoj proceduri u smislu naknada po osnovu građevinskog zemljišta (renta i uređenje građevinskog zemljišta) primjenjuju se i na postupak predviđen ovom Odlukom.

2) U postupku izdavanja naknadnog odobrenja za građenje investitor je dužan platiti naknadu za troškove uređenja građevinskog zemljišta i naknadu za prirodne pogodnosti građevinskog zemljišta (renta).

3) Za objekte iz člana 5. stav 1., tačka b) i c) ove Odluke subvencionirati će se iz budžeta Općine naknade po osnovu rente i uređenja građevinskog zemljišta.

4) Za objekte iz člana 5. stav 1., tačka c) ove Odluke subvencionirati će se iz budžeta Općine i naknada za zemljište.

5) Za bespravnu gradnju uvodi se posebna naknada za rješavanje statusa koja se određuje posebnim rješenjem u postupku izdavanja nakndnog odobrenja za građenje zajedno sa rentom i troškovima uređenja ukoliko isti nisu obračunati u urbanističkoj saglasnosti ili ukoliko se gradnja vrši na lokalitetima gdje su doneseni detaljni planovi i ne postoji obaveza prilaganja urbanističke saglasnosti.

6) U postupku izdavanja naknadnog odobrenja za građenje analogno se obračunavaju i druge naknade koje se prema posebnim propisima obračunavaju u postupku izdavanja odobrenja za građenje u redovnoj proceduri.



Član 12.

(Posebnosti postupka naknadnog odobrenja za građenje)

1) Uvodne odredbe rješenja o odobrenju za građenje trebaju sadržavati da se radi o postupku izdavanja naknadnog odobrenja za građenje za započetu ili izgrađenu građevinu, a u postupku se utvrđuje činjenica o stepenu izgrađenosti (završeni zemljani, konstrukcijski, instalaterski, mašinski, krovopokrivački, fasaderski, i drugi radovi na objektu).

2) Ukoliko je investitor izgradio minimalno pretežni dio objekta (pretežno izgrađeni objekti), a da nije ishodio saglasnost za kolski pristup ili priključak objektu naknadno odobrenje za građenje ne može se uskratiti zbog nepostojanja obezbjeđenog kolskog prilaza. Za objekat koji je investitor pretežno ili u cjelosti izgradio bez odobrenja za građenje za nemogućnost kolskog prilaza organ ne snosi odgovornost.

3) Stranka u postupku izdavanja naknadnog odobrenja za građenje je investitor, a treća lica vlasnici susjednih nekretnina koja smatraju da su izvršenom gradnjom ugrožena vlasnička prava imaju pravo da kao zainteresirana strana učestvuju u postupku radi zaštite svojih prava i pravnih interesa.

2. POSTUPANJE GRAĐEVINSKE INSPEKCIJE NA PRETHODNOJ PROVJERI UGROŽENOSTI GRAĐEVINE NERJEŠENOG STATUSA

Član 13.

(Naredba za ishođenje odobrenja za građenje)

1) Nalaganje ishođenja odobrenja za građenje za građevinu koja je rezultat nezakonite gradnje, kao i provođenje postupka izdavanja odobrenja za građenje je moguće isključivo ukoliko je građevinski inspektor Zakonom ovlašten da naredi takvu mjeru.

2) Ukoliko građevinski inspektor provjerom ugroženosti utvrdi da nedozvoljenom gradnjom ne može doći do ugrožavanja mehaničkih svojstava izgrađene ili započete građevine, ugrožavanja mehaničkih svojstava drugih građevina ili ugrožavanja života ljudi i okoline, te da ne postoje druge okolnosti iz člana 75. stav 1. alineja c) i d) Zakona o građenju HNK građevinski inspektor u skladu sa Zakonskim ovlaštenjem naređuje investitoru građevine ili drugog zahvata koji su rezultat nedozvoljene gradnje rješavanje statusa građevine, odnosno ishođenje odobrenja za građenje.

3) Svaka nedozvoljena gradnja se mora obustaviti prije bilo kavih radnji na rješavanju statusa takve građevine.

4) O svakom zahtjevu po kojem se rješava o statusu građevine izgrađene bez pravosnažnog odobrenja za građenje obaviještava se građevinska inspekcija radi prethodne provjere ugroženosti i poduzimanje drugih mjera na koje je ista zakonom ovlaštena.

5) Odredbe Zakona o građenju HNK iz člana 41. stav 5. se analogno primjenjuju u postupku izdavanja naknadnog odobrenja za građenje, odnosno od investitora građevine koja je pretežno izgrađena ili završena može se zahtijevati da priloži ateste o izvršenim ispitivanjima konstrukcije pod uslovom da nije uspostavljena općinska građevinska inspekcija da izvrši prethodnu provjeru ugroženosti.

Član 14.

1) Naredba građevinskog inspektora za ishođenje odobrenja za građenje koju u skladu sa odredbama Zakona o građenju HNK kao mjeru naloži investitoru građevine čija je gradnja započela ili završena bez pravosnažnog odobrenja za građenje ne vezuje organ koji izdaje odobrenje za građenje, već ostavlja mogućnost investitoru građevine nerješenog statusa da provede zakonom predviđenu proceduru za izdavanje odobrenja za građenje i u zavisnosti od ishoda takvog postupka zavisiće dalje postupanje građevinskog inspektora.

2) Naredba za ishođenje odobrenja za građenje ne sprečava građevinskog inspektora da izrekne prekšajnu sankcije prema sudionicima u građenju, da nastavi da prati i kontroliše predmet i subjekt nadzora u smislu izvršavanja i poštivanja datog naloga.

4. ODOBRENJE ZA UPOTREBU ZA GRAĐEVINU ZA KOJU JE IZDATO ODOBRENJE ZA GRAĐENJE PREMA ODREDBAMA OVE ODLUKE

Član 15.

(Odobrenje za upotrebu)

1) Odredbe Zakona o građenju HNK koje propisuju uslovi i postupak za izdavanje odobrenja za upotrebu objekta se primjenjuju za objekte za koje je izdato naknadno odobrenje za građenje.



2) Tehničkim pregledom se utvrđuje da je građevina izgrađena u skladu sa tehničkom dokumentacijom na osnovu koje je izdano naknadno odobrenje za građenje, tehničkim propisima i normativima, kao i propisima za odnosnu građevinu po posebnim zakonima.

3) Ukoliko se prilikom tehničkog pregleda građevine utvrde okolnosti dotrajalosti ili oštećenja zbog prirodnih, seizmičkih i drugih uticaja uz primjenu odredbe iz člana 13. stava 5. ove Odluke komisija za tehnički prijem će zataržiti prilaganje atesta o izvršenim ispitivanjima konstrukcije ili drugih ugrađenih materijala. Investitor je obavezan predočiti tražene dokaze u ostavljenom roku.

Član 16.

(Zabrana korištenja građevine do potpunog rješavanja statusa)

1) Za građevinu koja ne posjeduje pravosnažno odobrenje za građenje ne smije se dati priključak na javni vodovod, kanalizaciju i električnu energiju.

2) Građevina koja ne posjeduje pravosnažno odobrenje za upotrebu ne smije se početi koristiti.

5. PREKRŠAJNE ODREDBE

Član 17.

1) Novčane kazne i prekršaji za lica koja izgrade, dograde, nadograde građevinu bez pravosnažnog odobrenja za građenje ili nisu ishodili izmjenu odobrenja za građenje, te izvedu radove kojima se ugrožava život i imovina, zdravlje ljudi i bezbjednost saobraćaja biće kažnjeni kaznama propisanim Zakonom o građenju HNK.

2) Lica koja u suprotnosti sa Zakonom o građenju HNK povjere projektovanje ili nadzor ili ne imenuju nadzor nad građenjem, koriste građevinu prije ishoda upotrebne dozvole kazniće se kaznom predviđenom Zakonom o građenju HNK.

3) Lica koja u suprotnosti sa Zakonom o građenju u svojstvu izvođača izvode radove a nisu registrovani u skladu sa zakonom, koja ne dokažu kvalitet radova, ne pridržavaju se propisa o tehničkim svojstvima građevine, ne poduzmu nužne mjere osiguranja građevine i okolnih objekta, ne uredе gradilište kazniće se kaznama predviđenim Zakonom o građenju HNK.

6. ZAVRŠNE ODREDBE

Član 18.

1) Nadzor nad građevinama koje su započete ili izgrađene i koje se grade na osnovu naknadnog odobrenja za građenje vrši građevinska inspekcija općine Jablanica.

2) Započeti postupci izdavanja odobrenja za građenje koji nisu okončani do momenta stupanja na snagu ove Odluke, a utvrdi se da je gradnja započela nastaviće se po odredbama ove Odluke.

Član 19.

Ova Odluka stupa na snagu osmog dana od dana obavljanja u „Službenom glasniku Općine Jablanica“.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE

Broj: 02-02-1106-2/24-41
Jablanica, 30.05.2024.g.

PREDSJEDAVAJUĆI OV-a
Emir Muratović, BA ing. građ., s.r.

Na osnovu člana 13. stav 2. tačka 10. Zakona o principima lokalne samouprave FBiH („Službene novine FBiH“, broj: 49/06 i 51/09) i člana 18. stav 1. tačka 10. Statuta Općine Jablanica („Službeni glasnik općine Jablanica“, broj: 2/09, 8/16 i 2/20), Općinsko vijeće Jablanica, na 41. redovnoj sjednici održanoj dana 30.05.2024. godine, d o n i j e l o j e



O D L U K U
o izmjenama i dopunama Odluke o nazivima dijelova naseljenih mjesta i ulica i njihovom obilježavanju

Član 1.

Član 7. stav 1. alineja 24., 26. i 29. Odluke o nazivima dijelova naseljenih mjesta i ulica i njihovom obilježavanju („Službeni glasnik Općine Jablanica“, broj: 4/05, 5/17) (u daljem tekstu: Odluke) mijenja se i glasi:

„24. **Ulica «Bosanska»** od spoja sa ulicom „Sulje Čilića“, na početku „Sedrenih zgrada“ kroz naselje SP-100 do spoja sa ulicom „Džemala Bijedića“.

26. **Ulica «ZAVNOBIH»** od raskršća Jelačići-Doljani preko raskršća sa ulicom „Sulje Čilića“ i produžava se do ulice „Džemala Bijedića“.

29. **Ulica «Džemala Bijedića»** od drugog skretanja sa ulice „Meša Selimović“ kroz Montažno naselje, preko raskršća sa ulicom „22. februar“, obuhvata naselje „Trokuće“, do spoja sa ulicom Sulje Čilić (do kapije „Unisa“).

Član 2.

Ova Odluka stupa na snagu danom objavljivanja u „Službenom glasniku Općine Jablanica“.

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj: 02-02-1106-3/24-41
Jablanica, 30.05.2024.g.

PREDSJEDAVAJUĆI OV-a
Emir Muratović, BA ing. građ., s.r.

Na osnovu člana 18. Statuta Općine Jablanica («Službeni glasnik Općine Jablanica», broj : 2/09, 8/16 i 2/20), člana 12. Odluke o načinu odabira projekata nevladinih/neprofitnih organizacija po LOD metodologiji («Službeni glasnik Općine Jablanica», broj: 2/13), Općinsko vijeće na svojoj 41. sjednici, održanoj dana 30.05.2024. godine, **donijelo je**

O D L U K U
o raspodjeli sredstava nevladinim i omladinskim organizacijama iz Budžeta – Proračuna Općine Jablanica za 2024. godinu po LOD metodologiji

Član 1.

Odobravaju se sredstva nevladinim organizacijama sa područja Općine Jablanica po Javnom pozivu za kandidovanje projekata nevladinih organizacija koji će se finansirati iz Budžeta – Proračuna Općine Jablanica za 2024. godinu opredjeljenih za projekte nevladinih i omladinskih organizacija.

Ovom Odlukom na osnovu provedene propisane procedure utvrđuje se lista projekata od rednog broja 1. do 18. koji su odabrani za finansiranje projekata nevladinih organizacija u 2024. godini:

PROJEKTI NEVLADINIH ORGANIZACIJA

R.Br.	Naziv NVO	Naziv projekta	Odobrena sredstva za 2024. godinu	Bodovi
1.	Folklorni ansambl „Neretva“ Jablanica	XX Međunarodna smotra folklor	2.300,00 KM	91



2.	Turističko udruženje Zelena dolina „Green Valley“ Jablanica	Obnovljiva energija u turizmu	1.000,00 KM	91
3.	Folklorni ansambl „Neretva“ Jablanica	Predstavljanje kulturne baštine naroda Bosne i Hercegovine	1.500,00 KM	90
4.	„Savez poljoprivrednih udruženja“ Jablanica	Sajam zdrave hrane ljekobilja i pčelarstva	1.500,00 KM	89
5.	Udruženje žena „Most“ Jablanica	"Gastroetno" Unapređenje tradicionalne hrane za žene u Jablanici	1.000,00 KM	89
6.	Udruženje žena „Most“ Jablanica	„Suvenirnica 2024“	1.500,00 KM	87
7.	Folklorni ansambl „Neretva“ Jablanica	Festival pjevača amatera „Glas Neretve“	1.500,00 KM	87
8.	Udruženje građana „Roditelji za roditelje“ Jablanica	Savjetovalište	1.800,00 KM	86
9.	Udruženje građana „Roditelji za roditelje“ Jablanica	Mislim o budućnosti	1.000,00 KM	82
10.	Udruženje građana „Roditelji za roditelje“ Jablanica	Edukativno kreativni kutak EDK	1.500,00 KM	80
11.	BZK „Preporod“ Općinsko društvo Jablanica	Harmonikom kroz vijekove	1.400,00 KM	78
12.	Udruženje „Građanska prava“	Besplatna pravna pomoć	1.000,00 KM	77
13.	BZK „Preporod“ Općinsko društvo Jablanica	Veče sevdaha	1.500,00 KM	77
14.	PD „Bagrem“ Jablanica	Edukacija i podrška pčelarima u ovladavanju savremenom tehnologijom pčelarenja	1.400,00 KM	76
15.	Društvo „Josip Broz Tito“ Jablanica	Turist-info/suvenir shop Jablanica	1.500,00 KM	75
16.	Auto-Moto klub „Sunce“ Jablanica	Autosjedalice uvijek i bez izuzetka	1.500,00 KM	75
17.	Društvo „Josip Broz Tito“ Jablanica	Promocija obnove mosta na Neretvi i muzeja u svrhu promocije turističke ponude općine Jablanica	1.100,00 KM	74
18.	BZK „Preporod“ Općinsko društvo Jablanica	Izložba slika Jablaničkih umjetnika	1.000,00 KM	74
U K U P N O			25.000,00 KM	

**Član 2.**

Ovom Odlukom na osnovu provedene propisane procedure utvrđuje se lista projekata od rednog broja 1. do 9. koji su odabrani za finansiranje projekata omladinskih organizacija u 2024. godini:

PROJEKTI OMLADINSKIH ORGANIZACIJA

R.Br.	Naziv NVO	Naziv projekta	Odobrena sredstva za 2024. godinu	Bodovi
1.	Omladinski klub „Pod istim suncem“ Jablanica	Volonterizmom protiv apatije	2.500,00 KM	96
2.	Omladinski klub „Pod istim suncem“ Jablanica	Mladi za kulturu	2.500,00 KM	96
3.	Omladinski klub „Pod istim suncem“ Jablanica	Nova generacija	2.000,00 KM	94
4.	Udruženje za djecu i omladinu „Galeb“ Jablanica	Dani Galeba	2.500,00 KM	78
5.	Udruženje za djecu i omladinu „Galeb“ Jablanica	Gitara za početnike	1.500,00 KM	77
6.	Omladinska organizacija "Prenj" Jablanica	Turistički info paneli	1.500,00 KM	76
7.	Omladinska organizacija "Prenj" Jablanica	Ljetne igre 2024	2.000,00 KM	76
8.	Udruženje za djecu i omladinu „Galeb“ Jablanica	Zimski koncert na otvorenom	1.500,00 KM	74
9.	Omladinska organizacija "Prenj" Jablanica	Djeca su vojska najjača	1.500,00 KM	62
UKUPNO				17.500,00 KM

Član 3.

Ovom Odlukom utvrđuje se iznos od 2.500,00 KM koji će se koristiti za vanredne intervencije (hitne i nepredviđene slučajeve) za projekte omladinskih organizacija koji se pojave tokom godine, a koje će svojim zaključkom odobriti Općinski načelnik, u saradnji sa komisijom za ocjenu prijedloga projekata po Javnom pozivu upućenom organizacijama civilnog društva za dostavljanje prijedloga projekata u općini Jablanica u 2024. godini.

Član 4.

Nevladine organizacije sa područja općine Jablanica kojima su odobrena sredstva za projekte u 2024. godini nakon potpisivanja ugovora o realizaciji projekata obavezuju se da odobrene projekte realizuju u skladu sa odredbama ugovora o dodjeli sredstava nevladinim organizacijama, a doznaka finansijskih sredstava vršit će se u skladu sa planom realizacije projekata.

Zadužuje se Stručni savjetnik za nevladin sektor da vrši monitoring odobrenih projekata, te prilikom sklapanja ugovora sačini poseban sporazum sa nevladinim organizacijama u kome će tačno definisati stavke koje su korigovane u odnosu na projekat koji je apliciran kako bi se isti uspješno realizovao, i kako bi se mogla pratiti realizacija istog.



Sporazum iz prethodnog stava je sastavni dio ugovora koji nevladine organizacije zaključuju sa Općinskim načelnikom Općine Jablanica.

Član 5.

Ova Odluka stupa na snagu danom donošenja, a objavit će se u «Službenom glasniku Općine Jablanica»

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj: 02-02-1106-4/24-41
Jablanica, 30.05.2024.g.

PREDSJEDAVALAČI OV-a
Emir Muratović, BA ing. građ., s.r.

Na osnovu člana 18. Statuta općine Jablanica ("Sl. glasnik općine Jablanica", broj: 2/09,8/16 i 2/20) i člana 3. Odluke o stipendijama Općine Jablanica – Prečišćen tekst ("Sl. glasnik općine Jablanica", broj: 3/12), Općinsko vijeće Općine Jablanica na 41. sjednici održanoj dana 30.05.2024. godine, d o n o s i

ODLUKU

o visini i broju stipendija Općine Jablanica za 2024./2025. školsku-akademsku godinu

Član 1.

Za 2024./2025. školsku-akademsku godinu utvrđuje se sljedeći broj stipendija sa iznosima po kategorijama:

Kategorija 1	Studenti	Svi aplikanti	stipendija
Kategorija 2	Učenici srednjih škola	20	stipendija
Kategorija 3	Učenici srednjih škola aktivni i zaslužni članovi sportskih organizacija	10	stipendija
Kategorija 4	Učenici srednjih škola iz porodica korisnika boračke zaštite	20	stipendija
Kategorija 5	Učenici iz reda romske nacionalne manjine	Svi aplikanti	stipendija
Kategorija 6	Učenici koji su osnovnu školu završili odličnim uspjehom i upisali su prvi razred JU "Srednja škola Jablanica" kao i ostali učenici upisani u JU "Srednja škola Jablanica" koji su prethodni razred završili odličnim uspjehom	Svi aplikanti	stipendija
Kategorija 7	a) Učenici upisani u JU "Srednja škola Jablanica" čiji su roditelji bez ikakvih novčanih primanja, b) Učenici upisani u neku drugu srednju školu, čiji su roditelji bez ikakvih novčanih primanja, a imaju prebivalište na području Općine Jablanica.	Svi aplikanti	stipendija

Broj stipendija u Kategoriji 1, Kategoriji 5, Kategoriji 6 i Kategoriji 7, shodno članu 20. i članu 21. Odluke o stipendijama zavisit će od broja prijavljenih kandidata koji ispunjavaju opće i posebne uslove predviđene Odlukom o stipendijama.

Član 2.

Visina stipendija utvrđuje se u mjesečnim iznosima:

1. Studenti 160,00 KM
2. Učenici..... 80,00 KM

**Član 3.**

Eventualno neraspoređene stipendije za 2024./2025. školsku-akademsku godinu u određenim kategorijama dodijeliti će Općinski načelnik:

- Studentima koji su ispunili eliminatorne uslove ali se iz objektivnih razloga nisu u roku javili na konkurs za stipendije;
- Učenicima koji su ispunili eliminatorne uslove i to po redosljedu na listi, u istoj ili drugoj kategoriji, u skladu sa Odlukom.

Član 4.

Nakon okončanog postupka dodijele stipendija po konkursu, ukoliko se ukaže potreba za slučajev teškog socijalnog stanja za neizabrane aplikante, izuzetno, Općinski načelnik može odobriti najviše do 5 (pet) stipendija.

Član 5.

Sredstva iz člana 1. i člana 4. ove Odluke obezbijedit će se iz Budžeta Općine Jablanica.

Član 6.

Ova Odluka stupa na snagu danom objavljivanja u «Službenom glasniku Općine Jablanica».

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj: 02-02-1106-5/24-41
Jablanica, 30.05.2024.g.

PREDSJEDAVAJUĆI OV-a
Emir Muratović, BA ing. građ., s.r.

Na osnovu člana 18. Statuta općine Jablanica ("Sl. glasnik općine Jablanica", broj: 2/09,8/16 i 2/20) i člana 6. Odluke o stipendijama Općine Jablanica – Prečišćen tekst ("Sl. glasnik općine Jablanica", broj: 3/12), Općinsko vijeće Općine Jablanica na 41. sjednici održanoj dana 30.05.2024. godine, d o n o s i

O D L U K U**o imenovanju Komisije za stipendije za 2024./2025. školsku-akademsku godinu****Član 1.**

Imenuje se Komisija za stipendije za 2024./2025. školsku -akademsku godinu u sljedećem sastavu:

1. Alisa Zebić, predsjednik
2. Alma Bajramović, član
3. Amira Mursel – Čilić, član
4. Alma Ćosić, član
5. Elma Zahirović, član

Član 2.

Zadatak Komisije iz člana 1. ove Odluke je da raspiše konkurs za dodjelu stipendija u 2024./2025. školskoj-akademskoj godini, u skladu sa Odlukom o stipendijama Općine Jablanica i Odlukom o visini i broju stipendija Općine Jablanica za 2024./2025. školsku-akademsku godinu, razmotri prispjele prijave, utvrdi rang listu kandidata u svim kategorijama koji ispunjavaju uslove, te u skladu sa članom 26. Odluke, zajedno sa Općinskim načelnikom razmotri prispjele prigovore.

Član 3.

Ova Odluka stupa na snagu danom objavljivanja u «Službenom glasniku Općine Jablanica».



Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1106-6/24-41
Jablanica, 30.05.2024.g.

PREDSJEDAVAJUĆI OV-a
Emir Muratović, BA ing. građ., s.r.

Na osnovu člana 7. stav 4. Zakona o vodama («Službene novine HNK», broj: 6/13) i člana 18. Statuta općine Jablanica («Službeni glasnik Općine Jablanica», broj: 2/09, 8/16 i 2/20) postupajući po zahtjevu Bajramović Esade, Bečić Almire, Letić Fatime, Mešić Almire i Mešić Esada, iz Jablanice, Općinsko vijeće Jablanica na 41. sjednici održanoj dana 30.05.2024. godine, donijelo je

ZAKLJUČAK

1. **ODBIJA SE PONUDA** Bajramović Esade, Bečić Almire, Letić Fatime, Mešić Almira i Mešić Esada iz Jablanica, za kupovinu nekretnine, koju su podnijeli Općinskom vijeću Jablanica, podneskom broj: 05-27-3-341/24 od 14.05.2024. godine i kojom Općini Jablanica nude neizgrađeno zemljište označeno kao:

- k.č.broj: **1295/1**, zvana „Aluge“, ukupne površine 656 m², u naravi šuma 5. klase, površine 130 m², livada 5. klase, površine 526 m², upisano u katastarsko-knjižni i zemljišno-knjižni uložak broj 559 K.O. Glogošnica, suvlasništvo Mešić (Ibrahim) Esad, Mešić (Ibrahim) Almir, Bajramović (Ibrahim) Esada, Letić (Ibrahim) Fatima i Bečić (Ibrahim) Almira, svi sa po 1/5 dijela, uz ponudenu cijenu u ukupnom iznosu od 5.000,00 KM (slovima: pethiljada konvertibilnih maraka).

2. Ponuda imenovanih se odbija iz razloga što trenutno ne postoji interes Općine za kupovinu navedenog zemljišta.

Obrazloženje

Podneskom broj: 05-27-3-341/24 od 14.05.2024. godine Bajramović Esada, Bečić Almira, Letić Fatima, Mešić Almira i Mešić Esad iz Jablanice, obratili su se Općini Jablanica, sa ponudom kojom nude da Općina Jablanica, na osnovu prava preče kupnje, otkupi zemljište označeno kao k.č. broj 1295/1 K.O. Glogošnica, po cijeni od 5.000,00 KM.

Uz zahtjev je priložen zemljišno-knjižni izvadak broj: 056-0-NAR-24-003 394 od 09.05.2024. godine, a dokaz o uplati takse je dostavljen naknadno.

Po službenoj dužnosti u spis je pribavljena kopija katastarskog plana broj: 05/6-26-2-635/2024-2 od 20.05.2024. godine.

Uvidom u priloženi zemljišno-knjižni izvadak utvrđeno je da je u „C“ Listu zemljišno-knjižnog uloška broj 559 K.O. Glogošnica, pod rednim brojem 1, upisana zabilježba statusa vodnog dobra na parceli 2138 K.O. Dragan Selo, odnosno na osnovu Rješenja Ministarstva poljoprivrede, šumarstva i vodoprivrede HNK broj: UP/I-11-05-27-18/20 od 30.01.2020. godine, kojim se određuje granica vodnog dobra za površinske vode II kategorije na području općine Jablanica i to za vodotok Glogošnice, Draganske rijeke, Šanice i Ravančice, dozvoljava se upis zabilježbe statusa vodnog dobra, kao i upis zabilježbe da u slučaju prodaje zemljišne čestice koja se nalazi unutar granice vodnog dobra, a koja je u vlasništvu pravnog ili fizičkog lica, pravo preče kupnje ima Općina Jablanica.

Naime, članom 7. stav 4. Zakona o vodama («Službene novine HNK», broj: 6/13), propisano je da u slučaju prodaje zemljišne čestice u vlasništvu pravne ili fizičke osobe koja pripada vodnom dobru za površinske vode II. kategorije, pravo preče kupnje ima grad/općina.

Uzimajući u obzir činjenicu da za otkup navedenog zemljišta, za sada ne postoji interes Općine, Općinsko vijeće Jablanica, na sjednici održanoj dana 30.05.2024. godine, odbilo je dostavljenu ponudu i rješilo kao u dispozitivu ovog Zaključka.

POUKA O PRAVNOM LIJEKU: Protiv ovog Zaključka nije dozvoljena žalba, ali se može pokrenuti upravni spor pred nadležnim Kantonalnim sudom u Mostaru, u roku od 30 dana od dana prijema ovog Zaključka.



Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj: 02-02-1106-7/24-41
Jablanica, 30.05.2024.g.

PREDSJEDAVAJUĆI OV-a
Emir Muratović, BA ing. građ., s.r.

Na osnovu člana 18. Statuta Općine Jablanica («Službeni glasnik općine Jablanica», broj: 2/09, 8/16 i 2/20), Općinsko vijeće općine Jablanica, na 41. sjednici održanoj dana 30.05.2024. godine, d o n i j e l o j e

ZAKLJUČAK

Član 1.

Traži se od Ministarstva građenja i prostornog uređenja Hercegovačko-neretvanskog kantona da prilikom provođenja procedure za donošenje dopuna Prostornog plana HNK u potpunosti uvažava mišljenje Općine Jablanica i da prijedlog dokumenta dostavi na očitovanje ovoj jedinici lokalne samouprave sve u skladu sa Zakonom o prostornom uređenju HNK i Zakonom o principima lokalne samouprave u FBiH.

Član 2.

Traži se od Ministarstva građenja i prostornog uređenja HNK da u skladu sa važećim propisima dostavi nadležnoj službi Općine Jablanica sve potrebne podloge neophodne za nastavak procedure usklađivanja Prostornog plana Općine Jablanica sa Prostornim planom HNK.

Član 3.

Ovaj Zaključak stupa na snagu danom donošenja i objavit će se u „Službenom glasniku Općine Jablanica“.

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj: 02-02-1106-1/24-41
Jablanica, 30.05.2024.g.

PREDSJEDAVAJUĆI OV-a
Emir Muratović, BA ing. građ., s.r.

Na osnovu člana 18. Statuta Općine Jablanica («Službeni glasnik općine Jablanica», broj: 2/09, 8/16 i 2/20), Općinsko vijeće općine Jablanica, na 41. sjednici održanoj dana 30.05.2024. godine, d o n i j e l o j e

ZAKLJUČAK

Član 1.

Općinsko vijeće Općine Jablanica je preispitalo Zahtjev Općinskog načelnika broj: 01-02-628-1/24 od 03.05.2024. godine te stavlja van snage Zaključak OV-a broj: 02-02-856-3/24-40 od 30.04.2024. godine.

Član 2.

Ovaj Zaključak stupa na snagu danom donošenja i objavit će se u „Službenom glasniku Općine Jablanica“.



Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1106-8/24-41
Jablanica, 30.05.2024.g.

PREDSJEDAVAJUĆI OV-a
Emir Muratović, BA ing. grad., s.r.

Na osnovu člana 25. stav (3) Zakona o javnim ustanovama ("Sl.list R BiH" broj: 6/92, 8/93 i 13/94), člana 4. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH», broj: 12/03, 34/03 i 65/13), člana 41. Statuta općine Jablanica («Službeni glasnik općine Jablanica», broj: 2/09, 8/16 i 2/20), člana 14. Odluke o preuzimanju i daljem obavljanju osnivačkih, vlasničkih i drugih prava nad Javnom ustanovom Srednja škola Jablanica (Sl. glasnik općine Jablanica broj 2/03, 7/04 i 2/06), i člana 2. i 4. stav (2) Odluke o postupku i kriterijima za imenovanja na pozicije u reguliranim organima Općine Jablanica («Službeni glasnik općine Jablanica», broj: 4/15), u skladu sa odredbama Statuta JU Srednja škola Jablanica, Općinski načelnik, **d o n o s i**

R J E Š E N J E
privremenom imenovanju predsjednika i člana
Školskog odbora Javne ustanove Srednja škola Jablanica

I

Emir Šukman, privremeno se imenuje za predsjednika Školskog odbora Javne ustanove Srednja škola Jablanica - predstavnik osnivača.

Sedina Halebić privremeno se imenuje za člana Školskog odbora Javne ustanove Srednja škola Jablanica - predstavnik osnivača.

II

Imenovanje iz tačke 1. ovog rješenja vrši se na period do tri (3) mjeseca računajući od 08.05.2024. godine, odnosno do imenovanja predsjednika i člana Školskog odbora u svojstvu predstavnika osnivača u redovnoj proceduri, a po javnom oglasu za izbor i imenovanje predsjednika i člana školskog odbora JU Srednja škola Jablanica.

II

Imenovanje na period do tri (3) mjeseca se vrši izuzetno radi potrebe nesmetanog funkcionisanja JU Srednja škola Jablanica.

IV

Ovo Rješenje stupa na snagu danom donošenja i objaviće se u «Službenom glasniku Općine Jablanica».

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK
Broj: 01-34-3-6-1/24
Jablanica, 08.05.2024

OPĆINSKI NAČELNIK
Damir Šabanović s.r.

Na osnovu člana 41. Statuta Općine Jablanica („Službeni glasnik Općine Jablanica, broj: 2/09, 8/16 i 2/20), člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09), Općinski načelnik, **d o n o s i**



R J E Š E N J E

o imenovanju Komisije za socijalnu zaštitu i inkluziju

Član 1

Imenuje se Komisija za socijalnu zaštitu i inkluziju općine Jablanica, u sastavu:

1. Begzada Šukman, direktorica JU Centar za socijalni rad Jablanica;
2. Aldin Širić, Pomoćnik Općinskog načelnika u Službi za opću upravu, društvene djelatnosti, boračko-invalidsku zaštitu, socijalna pitanja i zajedničke poslove;
3. Sanja Idrizović, direktorica JU Dječije obdanište „Pčelica“ Jablanica;
4. Edin Idrizović, direktor JU Osnovna škola „Suljo Čilić“ Jablanica;
5. Alma dr Budim-Hondo, direktorica JU Dom zdravlja Jablanica;
6. Sabina Palić, direktorica JU Srednja škola Jablanica;
7. Sinan Tufek, Policijska stanica Jablanica.

Član 2

Komisija će u okviru svojih aktivnosti imati niz zadataka kao što su:

- Održavanje redovnih sastanaka radi koordinacije i zajedničkog planiranja aktivnosti, te prezentacija definisanih ciljeva i aktivnosti u oblasti socijalne zaštite i inkluzije djece i njihovih porodica direktorima i zaposlenim u lokalnim institucijama i nevladinim organizacijama, kako bi se osigurao ujednačen pristup u unapređenju oblasti, te uopšte socijalnom razvoju općine Jablanica;
- Analiza stanja socijalne zaštite, institucionalnih i drugih kapaciteta aktera iz različitih sektora, identifikacija potreba i određivanje prioriternih intervencija za unapređenje socijalnih usluga, posebno usluga za djecu i porodice, na području općine Jablanica;
- Izrada Akcionog plana u oblasti jačanja sistema socijalne zaštite i inkluzije djece iz ranjivih kategorija i njihovih porodica za period 2025-2026. Nakon njegovog usvajanja od strane Općinskog vijeća Jablanica (OV), Komisija će vršiti redovan monitoring i evaluaciju njegove implementacije i podnositi kvartalne izvještaje Općinskom načelniku, te godišnje izvještaje Općinskom vijeću (OV);
- Prezentacija rezultata implementacije akcionog plana Općinskom načelniku, općinskim rukovodiocima, medijima i široj javnosti;
- Prioritetne intervencije će biti utvrđene od strane Komisije, a na osnovu usvojenog lokalnog akcionog plana jačanja sistema socijalne zaštite i inkluzije djece iz ranjivih kategorija i njihovih porodica. Komisija će, uz podršku UNICEFa pružiti podršku specifičnim intervencijama na lokalnom nivou koje za cilj imaju pružanje integrisanih inkluzivnih usluga djeci iz ranjivih kategorija i njihovim porodicama;
- Učešće na obukama/treninzima koje za cilj imaju razvoj kapaciteta stručnog osoblja koje radi u sistemima socijalne zaštite i inkluzije u lokalnoj zajednici. Ove aktivnosti će prvenstveno obuhvatiti profesionalce iz sektora socijalne i dječije zaštite, zdravstva i obrazovanja, predstavnike lokalnih vlasti zadužene za socijalnu zaštitu, kao i predstavnike organizacija civilnog društva, adolescente i mlade.
- Osigurati učešće djece, mladih i odraslih aktivista, kao i predstavnika krajnjih korisnika u radu Komisije za socijalnu zaštitu i inkluziju djece iz ranjivih kategorija i njihovih porodica;
- Izrada referalnog mehanizama i njegova primjena kako bi se djeci iz ranjivih kategorija i njihovim porodicama osigurala mogućnost pristupa integrisanim i inkluzivnim socijalnim uslugama. Komisija za socijalnu zaštitu i inkluziju i operativni tim će imati ključnu ulogu u osiguravanju uspješne implementacije referalnih mehanizama u socijalnim sektorima u svrhu tretiranja potreba i razmjene informacija o djeci iz ranjivih kategorija i njihovim porodicama, uz naglasak na prevenciju.
- Protokol o saradnji čija će izrada i potpisivanje omogućiti i unaprijediti zvanične linije komunikacije i saradnje među različitim sektorima na polju socijalne zaštite i inkluzije. Ovaj protokol će osigurati zajedničko razumijevanje pravaca upućivanja i načina na koji relevantni akteri komuniciraju u slučaju potrebe za dalje upućivanje slučajeva.
- Zagovaranje i lobiranje na višem nivou vlasti, kao i animiranje privatnog sektora i ostalih aktera u svrhu finansiranja i implementacije aktivnosti iz Akcionog plana.

**Član 3**

Sastanci Komisije će se održavati najmanje jednom mjesečno, a po potrebi i češće, u cilju ispunjavanja zadataka iz Člana 2.

Komisija je dužna o svom radu podnositi kvartalne izvještaje Općinskom načelniku, a informaciju o radu dostaviti Općinskom vijeću (OV), na kraju godine.

Član 4

Odluka stupa na snagu danom objavljivanja u Službenom glasniku Općine Jablanica.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK

Broj: 01-31-811/24
Jablanica, 16.04.2024

OPĆINSKI NAČELNIK
Damir Šabanović s.r.

Na osnovu člana 60. Zakona o budžetima u FBiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 15. Zakona o načelima lokalne samouprave u FBiH („Službene novine FBiH“, broj: 49/06 i 51/09), člana 41. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20), i člana 17. Odluke o izvršenju Budžeta općine Jablanica za 2024. godinu („Službeni glasnik općine Jablanica broj: 11/23), a po prijedlogu nadležne službe, Općinski načelnik
donosi

ZAKLJUČAK**I**

Odobrava se izdvajanje sredstava iz Tekuće rezerve Budžeta Općine Jablanica za 2024. godinu u iznosu od 1.000,00 KM.

Sredstva se odobravaju Udruženju građana KUD „Prijatelji“ Jablanica na ime pomoći u organizaciji Prvomajske budilice 2024. godine.

II

Sredstva iz stava I ovog Zaključka izdvajaju se sa konta 999999 – Tekuća rezerva i alociraju na konto 614320 – Ostali tekući transferi neprofitnim organizacijama.

III

Za realizaciju ovog zaključka zadužuje se Služba za lokalni ekonomski razvoj i investicije, finansije i trezor.

IV

Ovaj Zaključak stupa na snagu danom donošenja i objavit će se u „Službenom glasniku općine Jablanica“.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK

Broj: 01-11-890-1/24
Jablanica, 30.04.2024

OPĆINSKI NAČELNIK
Damir Šabanović s.r.



Na osnovu člana 60. Zakona o budžetima u FBiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 15. Zakona o načelima lokalne samouprave u FBiH („Službene novine FBiH“, broj: 49/06 i 51/09), člana 41. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20), i člana 17. Odluke o izvršenju Budžeta općine Jablanica za 2024. godinu („Službeni glasnik općine Jablanica broj: 11/23), a po prijedlogu nadležne službe, Općinski načelnik **donosi**

ZAKLJUČAK

I

Odobrava se izdvajanje sredstava iz Tekuće rezerve Budžeta Općine Jablanica za 2024. godinu u iznosu od 500,00 KM.

Sredstva se odobravaju Sportskom savezu Općine Jablanica na ime pomoći u organizaciji memorijalnog turnira u malom nogometu „Šašić Rasim“ u naselju Zlate.

II

Sredstva iz stava I ovog Zaključka izdvajaju se sa konta 999999 – Tekuća rezerva i alociraju na konto 614324 – Sportski savez.

III

Za realizaciju ovog zaključka zadužuje se Služba za lokalni ekonomski razvoj i investicije, finansije i trezor.

IV

Ovaj Zaključak stupa na snagu danom donošenja i objavit će se u „Službenom glasniku općine Jablanica“.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK

Broj: 01-11-829/24
Jablanica, 10.05.2024

OPĆINSKI NAČELNIK
Damir Šabanović s.r.